

瀏南楊氏續修族譜序

書曰立愛惟親立敬惟長愛親敬長之道由來尚矣聖人南面而聽天下所最先者五一曰治親唐堯克明俊德先睦九族元公夾輔周室不廢慤親胥是道也譜牒之修所以敬宗收族其典甚鉅顧可緩乎哉然非有報本追遠之深心合敬同愛之實意或欲修而未能或能修而不果今瀏陽鈎形楊氏堂名關西系出宏農諸賢嗣慨然有報本追遠之心翕然有合敬同愛之意續修族譜是誠仁孝之心所激而致也余溯其受姓之由自

周天子以忠孝開基大封同姓食采於楊胙之土而命之氏遂以楊為姓封侯襲爵世篤忠貞立業建功屢蒙拔擢由是生齒日繁文人蔚起秦漢而後代有名臣其尤大彰明較著者如寶公救雀兆三鱣之祥震公辭金凜四知之畏積德昌後科甲蟬聯或位列三公者有之或官居六部者有之其餘掄元得雋拜爵服官者指不勝屈及大明定鼎以來又以三楊入閣贈炙人口要皆忠貞報國清白傳家莫不確守先人矩矱綽有前代遺風也茲閱其彙譜章程遵依歐蘇體式眉清目楚璧合珠聯世系井然昭穆不紊上則光昭前烈下以垂裕後昆洵美舉也爰欣然而為之序

大清光緒四年戊寅冬月 穀旦

萬邑舉人任甘肅省知府陞鹽道銜 謝大舒 頓首 拜撰

楊氏四修修族譜序

蓋聞家之有譜猶國之有史也國有史編年紀月書地書人凡

賢否智愚功德事實莫不詳陳所以垂鑒後世也家有譜敬宗收族序昭序穆凡婚配生歿祠宇墳塋無不備載所以昭示子禍画堂解有上方言孫也溯我族受姓自周成王封其弟叔虞食采於楊其後遂以楊爲姓由是瓜綿椒衍棋布星羅散居天下而各省各府各州各縣遂莫不有楊姓焉史冊所著班班可考也其後居於秦關弘農之地者如漢之四世三公尤爲極盛是楊姓又屬諸弘農郡焉故我楊姓之世族多系出弘農但枝分派別代遠年湮有難以枚舉者矣夫在古原無譜牒自漢唐而後文教昌隆名賢輩出而譜牒於是興焉卽於是重焉雖然譜牒之修固

不敢忽其所可知尤不敢強其所不知也記有之自仁率親等而上之至於祖名曰輕自義率祖順而下之至於禰名曰重有百世不遷之宗有五世則遷之宗惟我始祖以吾公生二子曰茂曰英皆百世不遷者也公生於大明洪武初年始居雷州之海康繼徙程鄉之欖潭厥後生齒惟繁子孫日盛其仍居原籍者固多其徙居外省者亦復不少故我族自康熙初年相繼來瀏者指不勝屈使非有譜以聯之則遠近親疎茫然而莫辨尊卑長幼昧然而莫分也乃自乾隆五十年續修以來至嘉慶十一年復修一次然亦屬支譜而

非族譜惟清公一脈紀載詳明而茂公以及洪公浩公未見源流備著是亦不無遺漏之憾也茲特會族纂以昭敦睦第支派非一未及編邀以集大成爰自日以吾公一脈而下糾集合修自去冬特加傳諭金為採訪于今幸得茂公派下一支英公派下清公洪公浩公三支又得如穆公派下一支仍自一世杼公遞衍至今以成族譜既源遠而流長亦綱舉而日張雖排名各立實彼此連環庶有以辨乎遠近親疎有以分乎尊卑長幼而昭穆不至混亂焉夫乃知敬宗睦族之道俾萬世如一日者端有賴乎譜牒蓋譜牒實錄也孝敬寶行也覩實錄而益敦實行則譜牒之修關係豈淺鮮哉昔人云吾觀譜牒而孝敬之心油然而生誠哉是言也斯舉也成後之人閱斯譜而愈加孝敬則上有以敬宗下有以睦族而先緒克恢家聲丕振又吾纂修等所厚望也是為序

大清光緒四年戊寅仲冬月 穀旦

楊氏宋朝老譜序

嘗因趨庭之暇佩學禮之訓而有得於禮之言曰萬物本乎天人本乎祖人之與物莫非天之所生古之聖賢所謂物以天言人以祖言何也蓋天者物之天而祖者又人之天物不本乎天則自形自色於宇宙之間者孰爲之總攝人不本乎祖則以嗣以續于世代之遠者孰爲之根本日月之照臨風雨之鼓潤而根荄芽甲得以遂其生者此物之所以同乎一天也開之于前垂之於後而高曾雲礽有以綿其緒者此人之所以同乎一祖也是則人之有祖卽物之有天

也藉祖宗之澤而無報本之心是忘其本卽所以忘其天也人而忘乎天尚何容於覆載之間哉噫是祖也乃人之所由本也然有所生之本又有所利之本與之於前傳之於後至於生生而不窮者此所生之宋也置厥田園貽以基業至於利利而不竭者此所利之本也凡厥有生孰不同有所生之本哉夫既有所生復有所利是則人皆一本而我則二本矣今吾

族享祖宗分授之田荷祖宗蒸嘗之利者得非所謂本乎祖之中而復有基業之本也且間巷小民鄉落農夫無立錫可資而人心天理未嘗不猶存拳拳於春秋祭祀之日吁彼不忘所生之本也而念祖之誠

且若是慤也已承祖宗積累之本又有祖宗產業以爲憑藉之。本俾昌俾熾得所本於立業肇跡之餘而不

饑不寒又得本於仰事俯育之際而報本之心宜何如哉楊之族始自宏農分出號邑徙於吉州遷於興國
上世祖宗墳塋山川間阻不得掛掃惟唐朝始祖朝議大夫官粵寓梅遂立家焉生三子長諱思孝次諱思
恭三諱思聰分為三房厥後奕葉相承又分為六房而始祖則六房共之然三房所輪之蒸嘗則有西洋六
石六斗酒米之田六房所輪之烝嘗則有鄭均灘頭一阡餘坪之稅以西洋爲蒸嘗所祀者百祖崗五龍崗
此則三年一收而吾之三房各有與焉鄭均灘頭爲烝嘗所祀者灘頭合葬之曾祖參軍黃氏夫人也此則
六陣一收而六房各與其一焉使後之孝子順孫念踪祖締造之艱難無負前人責望之美意收其租稅祀
其墳塋食其烝嘗追其忌諱由長及幼已終復始雖萬世不能變也夫何子孫弗念厥紹任己私意壞昔良
規爲一時便急計利之謀而不思祖宗貽厥孫謀之道以六石餘米爲大寡每年諸房所收僅獲升斗之利
故蒸嘗之典因所得之鮮而不舉固可責也若鄭均灘頭一阡餘坪之稅爲大多六房糾集則其勢不得以
祀親今則吾族之眾昭穆尊卑莫不皆有一定之序矣繼此以往務宜各協親愛之
情明宗族之義收其租稅祀其墳塋毋得以大凌小以尊欺卑患難則相恤緩急則相周味百世不遷之言
而服膺乎蘇公族譜之訓使孝弟之風藹然如春
風和氣之不鞠豈不美歟豈不美歟

楊氏明朝老譜序

嘗謂叅天之木必有其根懷山之水必有其源人之有祖亦猶是焉昔吾族之居梅也由宋迄今世濟其美稱著姓焉宋末族繁星散東西幸賴我祖由叅軍公至先高祖如穆公自曾祖斌孫公祖清軒公伯父樹齋省齋震齋祖興房匕子孫日加繁衍舊業亦頗增益而耕自足者是皆祖宗餘慶之所暨也豈敢忘其所自哉吁天運一氣以育萬物故生生而不窮人原一祖以分九族故繩繩而永久何今之人族譜不修蒸嘗不舉或遺其宗緒者多矣是以士之生于百世之下欲推其所來而親睦其宗族者概不悉由不過自養自有而族之孝弟雍睦名分親疎之類茫然

不知嗟哉鳥俛而啄獸走而娛猶且徘徊顧羣尚恐外物之患可以人而不如禽獸乎是以慨然以祖宗親族爲念上自高曾以下類編成圖貽我後裔以寓羹牆之思焉俾吾後之若子若孫序親疎別長幼披斯圖讀斯記究高曾以上之遠親知根乎一氣極祖父以來之遠族知本乎一源使奉先之心油然而生則孝弟雍睦忠厚惻怛之念庶幾由此而興矣斯則

信所切望也謹言以爲記

大明永樂十五年丁酉歲花朝月吉恩進士文林郎晉

江令十八世孫宗信記會同世稱三楊大修

東閣大學士兼翰林院編修楊士奇校正

東閣大學士戶部尚書楊榮叅言

東閣大學士工部尚書楊溥纂定

士奇公一部蒙

聖恩親蓋玉印

楊氏三修族譜序

國家書史所以誌夫前聖前賢山川秀景歷萬古彌久彌明也編集家譜所以載其先高先會爵德諡葬千萬年傳于可知也我祖寶公積德兆三鱣之集震公却金存四知之畏就粵始祖雲岫十一世祖南珍十六世祖清軒修德敦行各沾佛仙之相土二世祖思聰榮登科甲隆膺

宋帝之巍擢三世四世來民社數任五六世下師表壘

居侯公恩擢指揮才兼春官司馬屢叨

綸音寵錫詰勅是司調和御膳及今在州科甲接踵或莫有限分枝潮府之鍾岳提學福建移過惠州之復所捷至三公遷居大埔之之徐人文鼎盛移徙瑞金之以謙科甲聯輝所以千百年後世世相傳愈昌愈熾也若非譜牒何以概悉乃由敬祖愛宗之心懇纂

集族內木本水源之派展譜以披閱子姓渙散儼若同堂爵德行能悉爾炳如生卒諡葬莫不瞭然允矣子姓大觀誠哉世家至寶令孝子順孫景儀型則效之美力行善舉式芳思齊造祠可以利濟千萬家修華譜可毀奠安于萬人今復繼纂殘缺無虞俾千枝萬派歸於一本也適我始祖雲岫公原葬福建南巖古佛易葬百祖岡安祖牌爐於寺佛拔指甲並葬於祖左譜碑兩徵

乾隆四年己未歲五月間巖僧報覺稱始祖牌爐被失何姓篡入木主控官斷復蒙署縣主

許老爺合張老爺飭令安回祖牌以垂久遠斯則我祖靈爽所致古佛所使也爰是史誌固與日月而長明
我家岩譜亦與天地同永久矣是為序

世孫永年同以順琳生述誌

是時也重鼎嘉應州東門外下溪祠於雍正壬子冬會集通族復修宗譜安巖牌一舉三成

楊氏四修族譜序

子編楊氏本族家譜各著其代以詳其所自出復爲總圖兼載其支以記其所同出詳其所自出者親其親也何則人之有宗其初本同一氣也更數代之後齊斬不能不期功期功不能不總麻總麻之外則服盡服盡則親盡親盡則塗人矣勢而至于塗人則邈然而不相知喜不慶憂不吊呼甯不思今日之塗人卽昔日之一氣者也夫何遠之有此吾總圖之所以修也使觀此圖者苟能知今日之塗人以求昔日之一氣則悵然而思慨然而感親愛之心油然而生又何有富貴貧賤東西南北之異秦越肥瘠之分耶則族普之義豈日小浦云乎哉

順天府路縣主簿管通流閫官事楊龍翔

龍飛乾隆壬辰歲蒲月

楊氏四修族譜序

竊聞天開地闢青黃剖於混蒙山峙海流岳瀆處其位置仁經義緯倫紀奠于殼呈况人生天地實鍾山川之靈氣氏族中華快覩親長之炳明猗歟予之譜牒如是乎混混傳流也豈不有天地相循環乎猗歟子之族姓如是乎奕乚蕃衍也豈不有山川相莫麗乎蓋楊之所以爲楊者溯其淵源凡我種類抑亦或可漸詳也子且詳觀先譜所載記參稽列誌所傳聞楊實商之苗裔也荷先朝聖天子念祖勲勞而封侯於楊古之青州春秋之齊祖侯薰恩諭於宏農遂以楊爲姓以宏農爲而宏農之楊實昉諸此遞傳於伯起歷傳於龜山所謂行藏或潛或躍難以枚舉分派於魯吳豫袞徐衍派於冀梁越楚秦星散居址或始或終不能盡述原言其初流於燕趙而迨遍於四隅而簡命之居基不可謂之始卽以始論不過始於地之開創而已子且序而次之庶幾有所憑依歷諸久遠者乎族雖普天總不離乎一脉譜已葺悉誰不思乎本源憶我楊宗叮我族派

永萬永世珍而藏續而傳勿遺勿忘謹記

楊氏四修族譜序

修譜之道貴因乎其時蓋時之爲義大矣哉春夏秋冬時也而飛潛動植莫不範圍不過曲成不遺仰觀俯察亦誰非因時以爲轉移者時之爲義誠大矣哉故修譜之道不隨乎其時可宜於古不宜於今其何以序昭穆於合宗而聯親疎於通族也故前朝之譜自唐宋以迄元明譜各異致而本朝之譜又為之一新時之所在修輯隨之而後裔者弗知也我上祖聰明睿智心源直接洙泗姓譜國史捧誦閒暇近有宗譜體式歐蘇惟優猗歟休哉人生斯世何其幸也余又仰慕

綸音而纂修其脉絡貫通約一百一十餘代命族髦士輩誦讀觀覽雖其間派各不同而世系昭穆兼備血脈流動大抵親疎之中寓以尊卑尊卑之中寓以昭穆昭穆之中寓以和睦不尚強陵不誇富貴不以遠近爲同異不以聚散爲憎喜繁者去陳者藥而非正直一脉者不與焉總之求合時宜俾閱者心曠神怡而已縱微有刪削剪裁以坐井之見參于其中然亦裁成輔相不使寒煖燥濕或愆其時之意耳因名之曰族譜使讀者得是譜而有得焉於以序昭穆于合宗聯親疏於通族可操券而得矣是為序

御前侍衛楊勳鑒定

龍飛壬辰歲鞠月

楊氏四修族譜序

昔九井之法壞而邦國係民則有圖籍之獻五宗之法壞而天下係族則有譜牒之興譜牒宗法之遺也橫而分之若冕之旒排列而不紊而成之若珠之貫纒七而有次以一而散於萬以萬而總於一譬如水焉其源可尋譬如木焉其根有在宇宙之各姓其姓各祖其祖俾得盡其仁孝之思者皆譜牒之效也毋得詳察小宗而濶略大宗也昔魯人有族人死而不弔者子思以為無恩之甚由是言之大宗不可獨畧亦明矣韓子曰聖人視天下如一家中國猶一人其初一人之身今視之如塗人可乎將置諸遠昭遠穆於何地如聖人之仁何范宣子言句之祖併魯國

孔聖之祖自虞夏商周皆能歷舉其氏惟周報本之中又報本追遠之中又追遠所以王天下歷年八百餘載歷世三十餘代夫保姓受氏可遽忘哉吾楊氏出於朝鮮而蔓延於天下寶公之子曰震公者官於關西遂家焉至安國公者官於宏農遂家焉由關西宏農而分徙邑者派衍支蕃簪纓奕世統計兩京十八省有不勝錄然舊譜已重數修矣惧今未續修時維丙戌諸宗老惓惓以是爲念發緘走使於丁亥歲聚本族各邑子姓於大祠歷詳世系命小子讀之由是夙夜皇皇殫精竭慮協志在公依序編修其間俾各致尊尊親親盡仁義孝友之道焉屢易寒暑而譜乃成矣庶幾前修不墜後世有徵矣吾願後世子孫體前人之

至意後之繼前亦猶今之繼昔俾吾宗之譜牒亘千古而彌昭焉是所望於後賢矣
蕭上饒縣復設教論楊如渭

龍飛乾隆壬辰歲桂月穀旦

楊氏續修族譜序

譜之於世重矣而在豫章則尤重是故論人必徵於族論族必徵於譜其子孫志切首本才嫻任事者必以整齊世系爲能而譜之修滋重矣或問乎不佞曰尚同乎尚異乎不佞曰唯也否也同者自同異者自異吾烏乎尚之則何也曰列姓一源初未始不同也非能爲同不能不同也枝分派別卒未始不異也非能爲異不能不異也夫譜不猶水源乎人之世類亦若斯焉矣故夫同者未始不異也者未始不同倘意二尚同卽攀援附麗靡異不同矣意主尚異卽乖離叛隔靡同不異矣善譜者於其同也吾同之其異也吾異之其疑同疑異也吾存之亦猶行水者從水之道吾無與焉可乎吾楊之得姓昉於楊國厥後出於晉之順德而寰區之楊則皆出此也其地沃而俗純居久之科甲節義人文繹絡由此而分徙者代有名人文章理學聲名揚溢稱著姓焉時維本族同修宗譜徵不佞一言弁其端不佞非知者無已請申言異同之旨可乎易之同人曰君子以類族辨物夫類族所以爲同而辨物所以爲異故同非攀援附麗之謂呼吸相通悲愉相屬則不類之類也辨非乖離判隔之謂尊卑有等長幼有序則不辨之辨也協氣旁流靡遠弗屆同人於宗猶曰吝道矣不然徒以勢利相矜詡謂卑可踰尊少可陵長夫亦先自爲異類也已譜於何有哉試質諸吾族宗老而謂字言有當乎則請以爲之序

賜進士第兵備道兼管水利河道事楊開鼎撰

楊氏續修族譜序

恆言木必有本水必有源雖枝幹紛出蔽日千霄而根莖則一也江流萬里吞納百川汪洋澎湃以趨於海而源則一也人之於祖亦然吾楊氏肇封鼻祖於楊國古賜姓或以國或以官或以山川或以先諡楊因其國故有然耶而先世譜牒則斷此關西郡守大尉擢三公諱震六世祖安國公晉朝宏農令十世繼植公都督指揮使十一世暉公僉御史封端公十五世文異公刑部尚書二十二世虞卿公監察御史遷宏文閣內學士二十五世岩公左丞相二十六世郁公尚書右丞相三十一世尚明公狀元及第而以關西爲大宗禮五世祖免六世親屬已絕昭穆已遠已爲路人矧遼濶至數十世地踰千百之外者哉然先王之制服有限而仁愛之無窮故先儒講究收宗睦族之說爲治國之本張公藝九世同居唐高宗幸其廬問之藝書忍字百餘以對宋太宗旌陳兢義門同居至十八世皆足以礪俗激頹爲賢智所難爲譜之報本追遠推恩萃渙與古爲近云吾楊氏有大全宗譜自明嘉靖後曠久未修深懼沒湮本族諸父昆弟企愚崎嶇跋履就商各宗老論定遂集子姓於宗祠分局從事尅期告成或慮其成之難今幸覩其成非敢言勤勞於子姓實祖考之靈爽式憑吾願族之人無區疎戚無睽遠近體祖宗之心以爲心則自今日以遯伯起公由震公以溯楊國得姓之始皆木本水源一氣貫通仁孝之思能不油然而興哉

翰林院庶吉士楊穀貽 敬述

楊氏續修族譜序

繫姓譜牒之作由來尚矣凡以敵本睦族而親仁也但為譜亦有不同有記其枝所自出而不及其他者是謂房譜其所成也小若詳其所自出而無不畢收者是謂族譜其所成也大猶樂合眾音之條理而金玉為聲振也此我楊氏之總譜何獨不然嘗讀舊譜並序吾楊氏本殷後以佐命功封楊國而以地為姓其世次文獻歷歷可考自本國而散於殊異者已不一處其遷於他他邑他州他省且不勝屈指今譜牒之修又豈能詳載無遺但傳者傳而不傳者之終不可稽哉自鼻祖以下歷代遷徙無不具載其與修茲譜者至于今參差固不一致其世次則條分縷析無不秩然可考顧其中又自不齊有前屬與修而今不與修者有前屆未與修而今與修者有前屆未與修而今亦未能與修者或為時地所隔或為事勢所根實無如何耳此亦如古聖生尊祖親仁之意固無窮而廟止于服盡於五而已然則吾等双安能使四知子姓悉登於譜而無餘減哉矧各支莫不有房譜以記其祖所出呼特譜牒之修已未能兼綜靡遺則大全之名似未稱然四知位下已合數十分而共勳厥舉其所成實不小矣則前此之譜又豈能悉收靡遺歟夫前此總譜繼宋明而修之歷五載而始成其勞費亦甚奢及今歷年多值國朝休養生息之盛凡四知子姓之繁人文之振以及節義之著不可使散佚無統紀則譜牒之修正仁孝誠敬之所不容已是以吾諸宗長通淤洛省胞

邑前丙戌一陽合饗會食於總嗣遂議庭以修總譜而眾志僉同故經始於麥秋鳩工於新歲至三秋月子
省試歸卽往視譜局其成績若何而功已過半吾族譜宗長曰譜將計日可就子其爲新序一篇使後世有
可考但世之爲序必求貴顯爲重然總譜之修實不忘一本所由分所以尊祖睦族親親之仁也夫親記之
根諸性紛新固詐還必暇勢分裂爲重也吾族亦未嘗撫以也而有所不暇亦難所不必於是以承宗長命
以固陋諉因畧敘其概以弁於譜且質諸宗長先生其有當乎否也謹題

楊氏續修族譜序

嘗觀邑之有誌則一邑之人物山水顯然可觀家之有譜則一家之賢愚富貴瞭然可採夫邑之有誌家之有譜從來尚矣倘家之譜不立則一本之根源無由考譜之序不編則尊卑之等級無由彰故編譜所以俾後人之觀賢者生其景仰不肖者凜其鑒戒則祖宗之功德丕著一家之世系昭然雖千百年以下一覽而宛然在月矣雖然前人之作是譜也豈無深意於其間哉惟冀後代子孫飲芳泉要思其源喫香黍要念其根祖有鄉井欲知其故土而莫忘祖有墳墓欲知其祭祀而修飾祖有居業欲知其整創而丕承祖有親戚欲知其情義而款洽故舊以相和內外

以相親患難以相恤疾病以相扶死喪以相弔喜慶以相賀臨財毋苟得臨難毋苟免無以養小失其大體毋以私心害其大義由是而行則一家之政修修則枝不亂本本不亂末雖世遠年湮而尊卑不踰一展卷而知木本水源之所由來而孝弟之心亦可油然而生矣譜之編修曷容已乎允若此光前啟後之述上天無不降祥子孫無不吉昌凡族之君子其可不修族之譜乎族之譜不修安可語於治人而不貽

譏於他人耶故言以爲序

太子太保兵部尚書兼都察院右都御史總督淮揚漕運等處地方海防軍務楊錫緩方來氏併
翰林院侍講楊述同立

楊氏續修族譜啟序

從來國有史家有譜我楊氏老譜始於宋朝十三世文富公力行纂修嗣而十八世宗信公復修一次及後間有步青重修之譜只敘思聰公一房思孝思恭德卿茂卿祖興祖祐元英元傑各房概行摘去乃緣後人不識重要不費微錢怠惰故也厥後又幸世孫永年友潛等前後續修訂正今始大合奈族繁星散遠近不一大抵各邑其邑各祖其祖以致宗枝不能同歸一致此亦實無如何耳

乾隆四十六年余會試北行諸宗老諄諄于是爲念詢族之世系源流如何徵不佞一言以詳其初不佞則曰大哉問也是何難哉老譜可稽史冊可考溯吾楊之得姓也荷周朝

聖天子念祖勲勞封侯食采于宏農楊國遂以楊為姓以宏農為胞厥後三十五世震公官於關西遂家焉四十五世暉公拜御史封端公徙居於江西樂安楊家州五十八世承休公奉使吳越拜諫議大夫值行密作亂道阻不得歸遂居浙江錢塘六十三世輅公刺史吉州逐家廬陵六十四世雲岫公唐進士厯官都御史官於潮府在任仙遊運回原籍路由福建汀州武平南岩是晚歇宿在彼次日起運但見羣蟻脚泥掩埋天作之合子孫族戚咸曰此係牛眠吉穴卽豎

碑安葬其間爰是子孫造屋廬墓後由梅州甯化鏘樂連城等縣居家老成特達均已出仕僅遺老母幼子

在家內顧乏人之語可徵焉時有古佛名定光者修成道果覓所建庵遠望巖前龍作浪徘徊觀望有楊家祖墓在巖又跟龍由至梅州城北外螃蟹樣天虹灌水形佛曰此係萬載佳城富貴雙全之穴堪爲楊姓葬焉卽至我家問祖母寅爾南巖祖墓不若州百楊氏族言城廓外二里之遙有一吉壤天虹灌水葬後子孫萬億富貴雙全可肯運來葬否祖母細思南巖遠北城

近子孫祭掃亦得便宜况子孫多富貴全祖母欣然許佛乃卜葬於斯焉時有封姓竊聽不旋踵佔葬此穴佛卽執杖大喝氣勢歸左山環水聚眞風氣之攸萃也封墓山飛水走不可觀矣葬畢乃登墳呼曰正龍葬了旁龍發旁龍葬進正龍休五百年間又重修兒孫盛賽小梅州歷來我家貴顯不讓於州富亦曾蓋都郡今子孫蕃衍不可謂佛口無應也尤願世守之無替焉則幸甚倘族之君子謂吾對言有當乎則書之以爲序

經理會修族譜裔孫舉人楊壯猷記立

統理第五次修譜進士楊方嶽校定

兼理首修族譜國學楊世倬

倡首御前侍衛隨駕將軍楊勳

湖廣按察使司按察使楊開鼎

福建布政使司布政使楊廷樞

解元易專教平高

龍飛乾隆五十年乙巳歲中秋月

楊氏五修族譜序

蓋聞先後人而生者非譜牒無以傳後先人而生者非譜牒無以法故修譜非根于天理之自然形於人心之至愛默會繼述之志而不能修修而不能追其遠斯亦大負前人之心而前人亦何樂於後人而修而追之也夫作而能成成而能終者不幾難矣哉然考其系知其世知其人知其身所歷之境知其心所欲爲之故並知其所欲爲而不能爲之隱無非身家之薄力量之微小則吾敢云仁孝亦為楊氏通姓老譜詳閱其源或云唐叔虞之後或云袞州楊侯之裔不曰羊舌氏則曰甯化來彼曰遷吳徙粵此曰移閩居虢且言被秦火焚亦言兵火煨紛匕諸說謬哉訛乎不暇辨論核其實則始食采於楊國因氏徙居各各邑別州別省是也及後各邑其邑各祖其祖以致宗枝不能同歸一致原其始均是楊也乃親疏厚薄之不同耳其譜各自修輯以來迄今有年世代之流日遠嗣息之衍日蕃若不統而修之將枝分派海南材氏族譜別何以秩然而有條昭穆世次何以井然而不紊且有善可書有行可範以及宗族之議規家廟之典則何以昭然而共垂則斯舉之成有關前後寧容已乎然而楊氏玉幹金枝作元作師文相武將賢人學士孝子悌弟顧能蕃其枝葉以綿瓜瓞之祚者又非無因大抵祖功宗德忠厚立其本勤儉培其根積功累仁朝夕而灌溉之是以日新月盛能閱閱於門閭也茲惟失次者序殘缺者補珠聯璧合綱舉目張不蔚然爲一族之

鉅觀也哉雖然日月逝矣歲不我與誠深惜之余自束髮肄業卽嗜考世系及取諸老譜訓語口誦心受識記備叅悟其語愈覺祖宗神情亦莫不有洋洋如在血脉氣體貫串聯絡于其間也而修者往往旁求於大略之間抑何見其祖之易而不知其祖之難知其祖之難而不知其祖之所以難者皆前人操危慮深一毫不走庶知因祖而見事因事而

考行愈知前人之操慮者眞也蓋前人有眞操慮而後人有眞顯榮有眞顯榮而後有光輝卽千百世以命人誦之欲歌欲泣得其傳而無疑者不啻與祖宗朝夕親炙其身各出其所立之故而提命以相告也因以續纂斯譜歷代事蹟譜系靡不細加註釋其端不外一本之根源其緒值該萬派之演流亦可以為尊親敬長者一助爾倘族之君子謂余不甚解者是眞知我也耶

欽命賜進士奉直大夫巡漕內府禮科給事中掌浙江

道監察御史巡視南城西城前典試雲南正副主考

翰林院編修鴻臚寺少卿加三級紀錄十五次楊方立默堂氏

楊氏續修五次族譜序

嘗謂君親有常尊故孝親與忠君並重家國無異致國史與家譜同隆詩書首敦乎忠孝立身莫先於敬愛極宇內之人有一不本於父母宗祖者乎有父母則有父母之父母有宗祖則有宗祖之宗祖由千百年以讓而追遡之則又有始祖所由來雖其間有大宗小宗之不同共房各房之或異而究其實則萬卉同根千流其派其可因服踰情盡之說而逐漫然置之乎然而祖宗無永存之日父母無長在之理前人面目難再見於今時先世遺徽徒追思於昔日明發長懷蓼莪可奈何則必為之考世系別遠近俾功德不致湮沒而無傳也然後可源遠則流長根深則葉茂後裔昌熾南北分居嗣孫蕃衍東西異住或邂逅同言宴筵共飲竟不知孰叔孰姪誰兄誰弟可奈何則必為之序昭穆聯渙散俾同根不致漠視于塗人也然後可此果何道使功德無湮沒之悲同根無塗人之視則族譜之修不容緩矣此吾所以為楊氏之譜不得不聚吾族而聯吾派也關西宏農發祖鉅族也始蕃派於梅州遷居於各邑名望隆邱山富貴鼎甲第余何容慮但念我各房族眾居住桑梓流寓異域遠近不一使不有譜牒雖近世亦不能考吾楊氏族譜先既屢輯於前而茲復續修於今猷因諸族長之詞命慨譜牒之未全仔攜家乘遠稽近考多識備叅涉履山川囊空不怨踰越險阻饑寒弗尤勞不憚煩寐不遑暇曷厯猛電迅雷櫛沐暴雨烈風炎烈冬

披戴夙夜不可勝計如是者五年在外而後大宗小宗共房各房萬卉同根千流共派井然可曉又何慮乎
世系不明親疏難別昭穆不辨渙散不聯哉

庚子科福建籍第二名舉人楊壯猷重立于關西堂

龍飛乾隆五十年中秋月 吉旦

楊氏五修族譜序

傳曰聖人南面而定天下所最先者五一日治親故堯親九族周公大封同姓自

天子以至於士庶人無不以展親為重典親也故尊祖尊祖故敬宗敬宗故睦族所以追古復始不忘其所由生也三代而降官人以世故無譜而不至於散戰國兵爭故家大族遷徙散亡不可稽考至晉魏官譜門第之法行而譜牒重猶為不大遠於古論者又謂秦漢以來無世卿不可以立大宗先儒謂有小宗而無大宗是有幹而無根也無大宗則小宗之法終無以獨施於天下由是言之則今之各自為譜各詳其宗不能尋源溯流含支派千萬之子姓統於三而歸於大宗揆之古合族糾宗之法究未盡善譬之樂有小成而無大成終不可以和神人格上下也楊君穀詒於壬辰歲時春官試畢持其家之族譜示余且請曰南材曰械吾宗之楊祖山東而分派兩京十五省碁布星羅各有房譜明崇禎甲戌復修今始大合楊氏彙為通譜一冊命之曰大全請先生一言以弁其端余受而視之善夫孝子仁人之心本本水源之思深且遠矣今楊氏子姓亦如樂之無不諧如樂之和請與子樂之以聯宗誼至仁也以光遠祖至孝也義以處之禮以行之信以成之行一事而數善備焉必能和神人格上下施子孫以光大其宗其可樂孰有大於此詩曰樂只君子殿族天子之邦樂只君子萬福攸同便蕃左右亦是率從余雖職在司農王事掌然桑梓之美所樂觀其

成也故不辭而爲之序

賜進士第資政大夫正治上卿充經筵講官禮部尚書

葉世茂 頓首 拜撰

梅州楊氏五修族譜序

昔傳長老語云未有梅州先有楊姓楊之族肇自李唐原出浙地仕於嶺南遂占籍焉老譜起於宋朝已詳所始今復摭所知爲始孝思雖無窮無徵則勿錄懼越俎也殆老泉不譜眉山所出之蘇之意云楊之先代世悉登士籍家無畱丁代若內顧乏人閩有異僧定光妙般深妙行尋勝槩駐杖於南巖神悟元理於吉凶禍福無不前知楊之祖官朝議大夫號雲岫者修德敢行佳城南岩及佛定光畀與多男福地為百祖崗以易南巖道址安楊祖牌爐於寺自剪指甲並葬於楊祖墳左誓與楊祖金垂不朽云厥後定光圓寂靈異

滿海內而楊氏之裔亦藩衍貴顯然後知佛議如合左符神相地靈豈偶然哉嗣後白鶴仙爲之葬金盤蓬頭仙爲之龜潭今三塚石刻彰彰非幻也雖然與佛仙有夙緣實列公盛德所臻也迄今梅水之間猶得三仙葬之證嘖嘖稱羨云今則數十世矣子姓益眾分居東西苟非譜牒其何以聯渙散序昭穆而識宗祖於千百世之後乎舊譜雖然齊整新譜益宜修成如楊君外翰桂川中翰程溪別駕程江諸公重修譜成屬序於鏗匕曰讀楊氏譜備眾美焉後先雲林於奕葉可以觀盛冠裳迭繼于世爵可以觀貴世德表揚於傳讚可以觀賢一披閱而尊卑昭穆咸列卷篇宛然若聚於一堂者親親之有殺而一本之愛人人得以瞻仰世世得以激勸詎非甚盛舉哉楊氏始于唐盛於宋元而蕃衍於今日視昔不啻千萬矣敏慧之士膺歲薦登賢書者固代出不減於昔而甲第貴顯反遜於唐宋元者豈天豐其才而限之於人耶昔孔子有成於衛民之庶而加之以富已富而加之以教此古今造就入材之宗案也家國無異致齊治同一理楊氏如東山南山廷高松峯雲巒鴉溪程溪程江諸公豐植旣庶且富矣業於成均如程溪程江肖宇仰芹諸公養於學校如桂川父子少芹諸公旣富且教矣誠使楊氏皆若父兄日以詩書禮樂導其子弟皆若子弟日以遜志時敏典其學業將見掇甲第登顯仕者鱗集而接踵矣不旣耀譜牒光先後而大楊氏閥閱乎夫羯鼓鳴而柳杏發簫韶奏而鳳凰儀有開必先斯固感召之必然者楊氏積福田數君子仁耕義耨繩其祖武創祠修譜時其俎祝孝順之德感於幽靈祖必相之是宜挺生英

哲以兆石麟玉燕之祥端在爾乎

鄉進士文林郎任汾水縣知縣眷侍教弟徐鏗拜撰

楊氏續修族譜序

余曰族譜者何記一姓之宗族也楊氏堂名關西郡屬宏農納金音其系原於食采楊國流於陝之關西江右之樂安南豐廬陵浙江之錢塘粵之梅州閩之寧化及後蕃衍於鏘樂連城大埔鎮平龍川平遠瑞金清江金溪科甲蟬聯名賢畢至故譜以隆尊祖之典序昭穆之孫不然死徙出鄉散居異域而忘宗祖者保無有乎尊祖之典缺猶水無源木無根所以人生斯世飲泉摘菓當思根源祖先披荆闢蕪沐雨櫛風是其深厚於後人祖已深慮於後後其不回念乎祖祖遞有父殆及有身宜思祖生居何地葬在某處某形某祖某號某妣某氏次第有倫等級有要至祭祀登墳得以昭穆相讓燕毛相序陰陽共篤敬其所尊愛其所親上古司徒登版非所以教民數正所以教倫序所以昭不混穆乚不混昭而且設合食之義孝必愛親弟必敬長則報本之心豈不油然而興哉

楊氏六次續修族譜序

嘗稽眉山蘇公作族譜記立亭於高祖墳塋之側而刻石焉乃率族人而告之曰凡在此者有急相賙有喜相慶吉凶相赴冠婚相告少而孤弱則老者安之貧而無婦則富者娶之苟不然族人之所共誚吾世大儒待宗族之情何其親睦而無間如此哉蓋記言有百世不遷之廟雖歷世久遠亦不可疏而詩云豈無他人不如我同姓亦以患難相緩急惟宗族之依伏也然古人睦族之道至久而不替者惟曰在於宗族之義明昭穆之倫長幼之有序而已今世之族未必無相親之念而族譜之法不明率於孝弟之行實難矣至骨肉之恩薄或有至親不往來冠婚不相告死生不相赴甚而無知者至於兄弟之相鬪宗族之相訟此風俗之所以日趨於薄其視蘇公之譜豈不有愧乎梅之巨姓俗諺未有梅州先有楊姓吾楊之族乃梅州遷居發祖也訪之前世族譜之法已正長幼之序自明卑不踰尊小不踰大秩然有倫繩然有序故知有孝弟則知有禮義能相習禮義則能相勸勉一時詩禮鱗集人文蕃出其族和之效也吾族自受姓始祖以來百餘代矣族人之族亦分派四隅矣而後之本枝千載自一至萬昭乚不爽也卽今各房族丁之益蕃流派之益遠歲時伏臘無以序其親睦之情至於賓筵之間不知孰爲尊孰爲卑而道途相遇若路人焉其視前之所謂冠婚不相告死生不相赴益有甚焉者矣吁以宗族一本之親而一旦睽離如是良可嘆也推原其故

得非在乎族譜之未明有以致之而然乎世倬於周甲之年忝列成均日夜而思每欲求報祖宗之宏恩嘗謂相親相愛人生前無是心奈何先人所積之蒸嘗貧者所分為日用之資富者所分為自己之分故蒸嘗之典不於因循而廢則於苟簡而靡矣獨不思夫前日之祖所以開今日之子孫而今日之子孫亦即其後人之祖也遐思祖宗創業之始竭力而經營之詳慮而區畫之若曰子孫者祖宗之所付託也祖宗者子孫之所應祀也與之以遺愛之田使之因恆產而有恒心輸之以蒸嘗之利使之因所利而動所念得盡報本之禮祖宗之遺後人有其本如此而後人之於祖宗其忘本如彼盍亦即一身而思之夫祖宗望今日之子孫亦我望後日之子孫苟能以我今日望後人之意而還料祖宗望後人之心庶乎不至於忘本矣况乎繼承之道今日之舉動祖宗之儀型也今日之有子孫者往往教以詩書訓以孝弟凡可以用其力者無所不至書曰以身教者從以言教者訟我能敬乎祖宗則順於親矣而家庭之教不令而從雖無師友之切磋而子孫莫非尚禮義切愛敬行孝弟之事矣否則平居暇日不以尊祖敬宗為念慎終追遠為心恐後人則而象之始而忘其祖宗繼而不孝不弟無禮無義流為下愚不肖之輩習于放僻邪侈之歸者未必不自是權輿之也是雖耳提面命豈能使之篤意詩書恭行孝弟以為祖宗之光哉孝經有曰宗廟致敬鬼神言矣孝弟之至通於神明而天地鬼神實鑒臨之夫子孫之興替家道之隆盛實自敬祖之有勤惰者基之咸應之理昭然不爽實為子孫之龜鑑也凡我子孫宜以報本為念以忘本為戒

國學生楊世倬號象昭 謹記

廬陵楊氏重修族譜序

楊之得姓始於成周至漢大尉公震宋文靖公龜山忠襄公邦義文節公萬里國初文貞公士奇以忠義勲業孝友文章後先輝映為古今著姓超軼人眾而上之其自錢塘徙居廬陵始祖為後唐虞部侍郎曰輅生子銳鏗俱徙吉水銳之四代孫允素始徙泰和是為泰和始祖歷十八代而有文貞公故其譜於泰和特詳而他郡邑皆畧因有合族總譜自可考鏡云自嘉靖己酉重修迄今萬曆庚申又七十有二年南武選

公嘉祚奉其先大僕公寅秋之命重加補輯以誌述先蹟昭示後昆甚美舉也亦至難事也得叔父隱士寅冬博綜家學篤志搜羅且其孝母敬兄構風木樓以寄永慕拯兄柩以免漂淪爲族屬鄉間所共欽服故得奮其直筆辨析考訂俾遺徙者明續其次系攀附者潛杜其混淆又念往昔枝派雖各詳明文名未免缺略不知其人尚論其世乃哀彙行武選公精研詳覈將授梓以遍給合族各守家乘且循往跡毀板以防增紊屬蕃序諸簡良幸附驥其何敢辭緬思往訓咸謂譜以人責重在自立族以譜聯貴以敦本始以一人之身至視爲塗人不相識散於四方不可究詰苟其行誼足以質祖考則百代之精必且爲之感格其恩義足以孚族屬則本支之神志必且爲之流通所謂世濟其美不忝前人表直影端有倡必和豈異八任哉是在用心闇修知所自重者乃能爲譜牒增重焉耳在昔

仁宗賜文貞璽書期以子孫克永與國咸休嗣後仁人輩出允稱世臣今大僕公兄弟父子忠勤報効孝友維風楊氏之烜赫蕃衍方未艾也豈非所謂盛世倚賴士民所瞻仰哉文貞公自叙謂家乘爲義利乃君子小人之判而望後力學奮義以無忝於清白之風歐陽南野先生亟稱之曰公之言至矣顧後力行何如行不能有所加也曾司寇翬謂楊氏清忠偉節高文正學爲士楷範况子若孫可不因譜而求無玷先人以盡尊祖敬宗之實乎蕃三復斯語亦願楊之後裔讀譜興思秉誠盡力其自僕大尉而下實式憑之庶幾文貞公之耳提面命歷百代其恆新也哉

萬曆庚申歲仲春之吉

賜進士欽點狀元及第嘉議大夫南京禮部右侍郎

朱之蕃 頓首拜撰並書

今將歷朝首理修譜名字併

國號開列於后

大宋淳熙八年恩進士文林郎楊文富修

大明永樂十五年恩進士文林郎晉江令楊宗信修

大清乾隆三年庠生楊桂川同永年修

大清乾隆三十七年總督漕運楊錫綏修

翰林院編修雲南主考楊方立

翰林院侍講楊述

翰林院庶吉士楊穀詒

湖南衡水道楊開鼎

御前侍衛楊勳

恩准庠貢楊時應同錫緩公等會修

楊氏續修梅州族譜序

古者諸侯卿大夫世家世國而立大宗小宗之法歆滋南桃氏於譜本睦族之風藹相望厥後宗法不明其勢浸渙而不洽且數十百年以來雲初相繼轉徙無常人各祖其祖世各宗其宗藉非有譜以聯之何以定名分以崇愛敬使人知報本追遠也我楊氏發源甚久始於晉之伯僑自晉歸周周王念先人功勳封爲楊侯其後子孫遂以楊爲姓延及後代居於秦關宏農最著如漢之楊震四世三公是故楊姓又屬宏農郡焉自是生齒益繁徙居暫廣如家於江西之樂安者四十五世暉公也奉使吳越因道阻遂居浙江錢塘者五十八世承休公也而六十四世輅公之子雲岫公名聳者乃遷梅州之祖也自雲岫公以下時代差近墳墓在梅春秋祭掃碑碣彰乚可考子孫或居本郡或徙他邑莫不奉雲岫公爲始祖傳至七十四世南珍公總督河陽卜葬梅之金盤岡生子如穆公逢宸公如穆公仍居梅而逢宸公則遷於浙杭今梅之欖潭一脈仍逢宸公之裔也逢宸公號應達生子亮工公亮工生子建中公建中公之姑卽宋度宗之妃楊太后也當元兵追逼公輔姑奔走後至廣州之新會崖山公奉張丞相世傑命往高州募兵聞太后及幼主沒遂不出因家於高州茂名至七十九世恒公字長卿避亂居於雷州海康子以吾公爲雷州府學生因事回梅於欖潭居焉是逢宸公雖遷而梅之欖潭仍爲其裔也由此以推支分派別散處異方者眾矣雖各立家譜

而未能聯貫而為一今幸續修楊氏總譜開局梅州凡數百年之可考譜而知者安忍聽其闕畧而不為之整理以示後代也於是上溯受姓以來下至雲岫公以後世次久長遷徙不一務使遠脉近脉按茲譜而知宗派之何屬輩行先後祖宗之世系已詳而子孫之氣誼可篤雖異地若同堂也蘇老泉有言觀吾譜者孝敬之心油然而生則數十百世之子孫能上以尊祖下以睦族誠有厚期於茲譜也歟

九十三世孫戊午科舉人楊鴻舉 撰

歲進士楊龍光

廩生楊騰蛟

登仕郎楊欽銑

大學生楊潤謀 方軫

大學生楊成嵩 同纂修合參校正

編修族譜楊振鐸

編修族譜楊元清 元豐

編修房譜楊國岐

龍飛嘉慶十一年丙寅臘月 重梓

楊氏續修大全族譜序

古者別子爲祖繼別爲宗繼禰者爲小宗有百世不遷之宗有五世則遷之宗定爲宗法以聯同姓之親由來尚矣自宗法弛通其義以爲族譜亦非侈世系之遠生齒之繁也原欲萃渙合離明其支系使後人尋源溯派不忘本矣篤其宗親而修譜不察往往援遠賢附華冒自托神明之後而寒支弱派顧棄若遺不幾於自誣而並誣其祖乎余族之譜纂於十八世東涯祖時則洪武丁卯也宗義明族事該簡而不略詳而有體爲吾族之信譜迨後時事無恆播遷不一後十餘世始得族之文學煥彩起而修之本支昭穆藉此而明如今又將百年族眾懼宗派疎失僉議復修乃依前譜詳加校閱越五月而譜告成凡宗派列房尊卑長幼生娶卒葬徙居出繼科目壽考義行摭實而謹載之雖詞義質樸未足繼祖先步武而始祖以前辨而不混五服以外連而不渙久近疎戚存亡之分則皆井井而不淆矣使吾族子姓展卷而興一本之心秩然藹然長幼能以序相洽尊卑復以分相聯雍穆昭而孝弟敵家聲允而不墜是不能不重望於後嗣之賢顯榮祖考而留始子孫也已

嘉慶十一年丙寅冬臘月國子監生廷楷慎齋氏 謹誌

長男文庠生清槐 纂修